



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Decretum de casibus reseruatis.

**urn:nbn:de:hbz:466:1-10502**

Continuatio secundæ sessionis.

**A** Prandio stata & indicta hora continuata est sessio. Et primùm postquam Illustrissimus Archiepiscopus in Basilicam Metropolitanam venit, ubi eappa indutus, vesperarum, & completorii officium peregit unâ cum toto clero urbaro, & diocesano, Pontificalibus paramētis indutus de mōre in sessionalem locum descendit, & stata prece de Spiritu sancto, Adsumus, perorata, omnibus ordine confidentibus, & indicto silentio, delectus, & deputatio examinatorum, & iudicum facta est.

Decretum de suffragijs ferendis.

**S**uffragiorum, quæ per compromissarios de examinatoribus, ac iudicibus ferenda sunt, recognitioni præfecimus M. Reueren. D. N. Decanum, & Reueren. Do. N. Canonicum ordinarium nostræ Ecclesiæ Metropolitanæ.

Accedant igitur compromissarii ad eos cum schedulis suffragiorum.

Suffragia dentur schedulis impressis, quæ notata habeant nomina examinatorum, & iudicum, & literam A. ab vna, quæ erit nota approbationis.

Venerunt autem compromissarii, ad præfectos, apud quos in mensam singuli schedulas inuolutas approbationis, & reprobationis coniecerunt.

Et dū schedularum ratio accuratè per præfectos supputabatur, de mandato Illustrissimi Archiepiscopi, vocatio, & scrutinium Cleri diocæsani factum est, ad præscriptum tabellæ, & decretorum promulgatorum in sessione præcedenti.

Decretum de continuanda vocatione, & scrutinio Cleri.

**Q**ui nunc vocabuntur, ad Illustriss. Archiepiscopum rectè accedant, & iuxta decretum in alia sessione promulgatum, ad præfectos recognitionis certis capellis dispositos recta via accedant, quibus Breuiaria & Calendaria ex præscripto exhibeant.

Postea de examinatorum, & iudicum delectu, actum est.

Instantia promotorum de Examinatoribus, Iudicibus, Testibus Synodalibus, & Punctatoribus euulgandis.

Illustriss. ac Reuerendiss. in Christo Pater, & Domine.

**V**T Synodaliū actionum promotio, & progressio, pro nostri muneris ratione, rectè atque ordine fiat, illud petimus, & instamus, vt examinatores, & Iudices, hoc mane ex auctoritate Illustriss. Amplitudinis vestræ Synodo propositi, & nominati, & omnium quorum intereſt, suffragiis secutis probati, iam demum vt moris est, de suggestu euulentur: testes que Synodales, ex veteri instituto, & Canonum iure, Concilijque provincialis Decreto, viri probati ab eadem amplitudine vestra Illustriss. in vrbe & diocesi deligantur: Punctatores item ex decreto Synodali de mōre constituentur: qui omnes de suggestu pronuncientur: Tabella denique casuum reseruatorum ex præscripto Concilij Tridentini euulgetur.

Examinatores, & Iudices probati sunt, & de suggestu denunciati & his verbis.

**E**xaminatores à nobis in sessione Synodo propositi, & nominati, compromissariorum suffragijs maiori parte probati, sunt ij sexdecim.

Iudices uerò in Synodū relati, & maiori suffragiorum parte probati, sunt hi sex.

Singuli nominati sunt.

**E**xaminatoribus, & Iudicibus pronunciatis, Testes Synodales, Punctatores, & Tabella casuum reseruatorum de suggestu iussu Illustrissimi Archiepiscopi promulgata sunt.

Decretum de testibus Synodalibus habetur supra Syn. dioc. vj. decr. 7. pag. 75.

Decretum de casibus reseruat.

Carolus S. R. E. Presbyter Cardinalis Archiepiscopus &c.

**Q**uoniam expedit pro temporum varietate casuum reseruatorum ab

ab Episcopo aliquando mutari: ideo & Synodo diocesana, & in Concilio provinciali, illud decreto cauimus, vt singulis annis, vel in ipsa Synodo diocesana, vel ineunte Ianuario, casuum, quos sibi Episcopus eo anno referuari expedire iudicauerit, reseruatō promulgetur, quò plenius casus eos reseruatōs confessorii perpetuò norint. Quamobrem hos ordine infra descriptos, quos hoc anno nobis reseruamus, iam nunc promulgamus. Hanc verò casuum reseruatorum promulgationem, etiam post hunc annum tandiu quoad altera proxima fiet, robur, vimque habere ex decreto diocesano, ac provinciali statuimus. Ab ijs verò casibus nemo cuiusuis ordinis confessorius, etiam prætextu cuiusuis priuilegii, quemquam sine facultate à nobis data absoluat.

Tum indicta est sessio tertia.

**H**is ita absolutis, Illustrissimus Archiepiscopus surgens certas preces recitauit, ac Synodo benedixit sine concessione Indulgentiarum.

Promotores absentium contumaciam iterum accusarunt, & de more pro rogatu omnium & singulorum in præsentia sessione actorum institerunt.

Et antequam hæc sessio dimitteretur, R.D. Archidiaconus iussu Illustris Archiepiscopi de more indixit orationem metalem tribus capitibus partitam pro cleri disciplina excitanda, & diuino auxilio implorando. Capita sunt hæc quæ sequuntur, & in qua meditatione clerus per semihoram & amplius perstitit.

Oratio mentalis.

Die secunda Diocesanae xj.

**F**ratres carissimi: Obsecremus Deum omnipotentem, ut Regi Catholico Philippo Duci nostro, prosperum felicemque rerum successum dignanter diuina benedictione concedat: vt cui multarum gētium gubernacula dedit, eidem celestia arma tribuat, quibus protectus, aduersariorum nefarios conatus contringat.

Pars III.

**II.** Fratres carissimi: toto cordis affectu orate pro filio Regis, vt diuinæ gratiæ munere, regis virtutum ornamentis omnium excultus, in dies percipiat incrementa, diuque incolumis sua regna iure augustissime tueatur in perpetuum.

**III.** Fratres carissimi: toto cordis affectu orate, vt hæreticorum feritate compressa, Flandriæ status, diuino munere, pacis, & fidei catholicæ integritate semper exultet.

Sessio Tertia.

**I**n nomine Domini, Anno, & mense, vt supra, die verò Sabbati 15. eiusdem mensis sessio tertia celebrata est. stans Canonicis horis in Metropolitana cantatis, hebdomadarius Can. Missarum solennia celebravit. Missa peracta Illustrissimus Archiepiscopus pluuiiale & pretiosam Mitram induit, ac in sessionalem locum descendit: tumque ex libro Pontificali oratio de Spiritu sancto, Adsumus, recitata, ac Litaniam more Ambrosiano decantata sunt ab vniuerso Clero. His peroratis Illustrissimus D. Archiepiscopus suggestum ascendit, vbi sermonem per horam habuit.

Sermone absoluto, & omnibus in sessione confidentibus, indicto prius silentio, Illustris. Dom. hac verborum præfatione constitutionem Gregorii Papæ Decimi tertii, de Iudicibus delegatis, & conseruatoribus nuper editam de suggestu promulgari voluit.

Decretum seu præfatio.

**V**t Iudices in Synodo hac diocesana deputati pro causis commissariis, & conseruatores Regularium, quæ de iis constituta sunt, & sedis Apostolicæ auctoritate, & robore communitate quantur, literas Pontificias Gregorii Papæ Decimi tertii in hoc diocesano conuentu publicè legendas decernimus.

Dum autem constitutio prædicta ex suggestu promulgabatur, M.R.D. Archiepresbyter luminibus accensis capsulam argenteam, in qua Sanctorum reliquias asseruantur, ex Sacristia ad Illustrissimum Archiepiscopum attulit, & super

M 3 men-